

## Referat frå styremøte onsdag 8. juni 2016 kl. 10.00 – 16.30 Møtet vart halde på Vertshuset Sinclair i Kvam.

### **Deltakarar:**

Styret: Arnfinn Beito, Anne Kari Veikleenget, Bjørn Even Stenberg, Pål Eiesar, Berit L. Kaltoft og Pål Kjorstad. Ellen M. Syse hadde meldt forfall.

Representantar frå styret i Oppland Gjeterhundlag: Sara Nilsen og Ole Steinde var med på dei 2 fyrste sakene på saklista.

### **Sakliste:**

#### **Sak 35/2016: Referatsaker**

- Referat frå styremøte 04/04 2016, vart vedteke på møtet med endringar.
- Referat frå møte med Nord-Fron Sau og Geit 14/04 2016, Arnfinn deltok. Referatet: "OSG har feilinformert Nord-Fron Sau og Geit til å fatte et vedtak på feil grunnlag når det gjelder utsending til fylkesårsmøte på Gjøvik. Dette beklager OSG på det sterkeste. Reaksjonen til medlemmet var at han meldte overgang til Fåvang Sau og Geit. På møte i Kvam den 14/4 16 fikk vi rydda opp i saken. Han står som medlem i Fåvang i 16 og melder seg inn i Nord-Fron i 17." Styret i OSG vart orientert om dette møtet og godkjente referatet som eit forlik i saka. Praksisen i Oppland bør vera at ein er medlem i det lokallaget ein geografisk høyrer til.
- Tjernobyl-seminar på Lillehammer 18/04 2016, Arnfinn deltok med foredrag. Dette var ei lærerik samling, foredraga vert lagt ut på heimesida vår.
- Møte med FM om rovvilterstatninga 03/05 2016, Arnfinn deltok. Alle vedtaka i erstatningsoppgjeret i 2015 i Oppland vart utdelt på møtet. 77% av omsøkt erstatning, da ein trekkjer frå normaltapet, vart erstatta i 2015. Arnfinn hevdar at erstatninga hos dei einskilde søkjarane i 2015 i Oppland var svært sprikande, og at søkjarane til saman kanskje har tapt så mykje som 2-2,5 mill kr på oppgjeret. FM i Oppland vil gjerne gje alle med rett til erstatning det rettmessige beløpet dei skal ha. FM er òg svært positiv til tiltaket vårt med infomøter i forkant av søknadsfristen i 2016 og vil delta på møta. Mattilsynet har gått i gjennom og kontrollert 49 beitebrukarar i Oppland med større tap enn 10% i 2015, og ikkje funne noko gale med produksjonen. Styret vedtok at Arnfinn sender mailen med alle erstatningssakene til Pål slik at han kan vidaresende og diskutera med NSG om kva saker vi kan leggja fram som "gode" dømer frå Oppland 2015.
- Møte med Nortura på Rudshøgda 09/05 2016, Arnfinn og Bjørn Even deltok. Dei møtte Erling Skurdal og 2 tillitsvalde: Jon Einar Høystad, AU Innlandet og Hans Amund Bråstad, leder RU Innlandet. Nortura ønskte å vera hovudsponsor for OSG, men ikkje til ein kvar pris. I følgje Arnfinn vil Nortura støtta Oppland Sau og Geit med omrent det same som i fjor med moglegheit til ein liten oppgang, avhengig av div. krav som hovudsponsor, annonser i årsmelding/heimeside, talerett på årsmøte etc.
- Møte i Rovviltnemnda 12/05 2016, Arnfinn deltok. Den nye rovviltnemnda har sjølv sagt liten erfaring, men ei sterk og engasjert Aud Hove dreg lasset. Nytt av året er at tilhøyrarar kan få koma inn med kommentarar i sjølve møtet, dette vert oppfatta som svært positivt av faglaga i Oppland og oss sjølve. Frå rovdyrfronten vart det spesielle med gaupe nemnt der det er funne at reviret til gaupa kan vera ulikt frå vinter

til sommar. Arnfinn er kritisk til at så mykje som 1 mill av samla FKT-pott i Oppland går til ymse prosjekt, og at  $\frac{1}{2}$  mill går til tidleg nedsanking. Vedtak om skadefellingskvoter 2016: 4 betinga skadefellingstillatelser på jerv, 6 betinga skadefellingstillatelser på ulv, 3 betinga skadefellingstillatelser på bjørn og 2 betinga skadefellingstillatelser på gaupe. Lisenskvote for jerv 2016/17 vart 10 dyr med maks hodyrkvote på 4 dyr.

- SNO-samling på Hunderfossen 27/05 2016, Arnfinn deltok. Det vart presisert at vakttelefonen til FM berre skulle brukast til å mælda om skader, observasjonar, spor etc. – den skal ikkje brukast som eit klageorgan. Faglaga og OSG skal senda brev til MD om at kvar region nå må få på plass beredskapsavtaler med SNO/rovviltkontaktar slik at beitebrukarane er sikre på å få ut fagfolk snarast råd er etter rovviltangrep.
- Møte med OBS, FM, Mattilsynet, landbrukskontor og SNO 31/05 2016. Dette var ei fin gruppe å ha samtale i, men gruppa ynskjer å utvida den med bl.a. leiar i rovviltnemnda. Tema på møtet var sporphundekvipasjane og effektivisering av skadefellingar.

### **Sak 36/2016: Møte med Oppland Gjeterhundlag, gjetarhundsaker**

OGL ønskte å drøfta organiseringa og eit framtidig tettare samarbeid med OSG.

Sara Nilsen, Ole Steinde, Anne Kari Veikleengen og Arnfinn Beito forklarte om organisasjonen og utfordringane den hadde. I dei 2 siste åra har samarbeidet mellom Oppland Gjeterhundlag og Oppland Sau og Geit auka. Vi har hatt Anne Kari i styret som på kvart styremøte har informert oss i OSG, samstundes som ho har informert vidare til både lokallag og fylkeslag av gjetarhundlag i Oppland. Vi hadde seminar med gjetarhund som hovudtema i 2015, vi støtta arrangementet av NM i bruk av gjetarhund i 2015 og vi arrangerte felles årsmøtehelg i 2016. Men det nye styret i Oppland Gjeterhundlag er ikkje nøgde med organiseringa av laget, kommunikasjon mellom lokallaga sine og seg sjølv, og ønskjer øg tettare samarbeid og betre kommunikasjon med lokallaga av Sau og Geit og Oppland Sau og Geit. OGL meiner òg at dei må ha ein sterkare økonomi for å drifta laget sitt.

Møtet i dag med OSG var for å lufta og starta eit nytt løp med diverse idéar om framtida:

1. Oppland Gjeterhundlag må få på plass nye vedtekter. I dag er organiseringa av gjetarhundarbeidet organisert i NSG gjennom Gjetarhundrådet med underliggende Prøvenemnd, Avlsråd og Dommerutvalg. Fylkeslaga av gjetarhundlag og gjetarhundnemnder er lagt under fylkeslaga i NSG. Oppland Gjeterhundlag har i dag vedtekter som gjeld, men desse er gamle og utdaterte. OGL har fått oversendt anbefalte vedtekter frå NSG, som er oppdatert og i bruk av andre fylkeslag av gjetarhund, men ein er kjent med at NSG/Gjetarhundrådet har starta arbeidet med å utarbeida nye vedtekter for gjetarhundlag. Fram til dette er på plass må OGL få på plass endringar av gjeldande vedtekter til sak på årsmøte 2017, slik at ordlyden i dei vert samanfatta meire etter nåtidas praktisering og organisering.
2. Oppland Gjeterhundlag har i dag svært lite inntekter, og tillitsvalde får i praksis ikkje honorar for arbeidet dei gjer. Dette kan styrkast på fleire vis, auka kontingennt frå medlemmane/lokallaga, la lokallaga ta kostnaden for sine eigne valde representantar i OGL og eller ha tettare samarbeid med OSG. Det vart nemnt ein kontingennt på kr. 50,- pr. medlem, som antageleg er for liten, det vart nemnt at lokallaga av gjetarhund i Oppland har god økonomi og at eit tettare samarbeid med OSG kunne frigjeva noko administrasjon og møteutgifter.
3. Under organiseringa vart det nemnt at ein gjetarhundrepresentant kunne bli vald inn som styremedlem i OSG, at OGL kunne ha styremøte likt med OSG, at dei møtte med

- ein representant på styremøte i OSG med møte- og talerett. På same vis ønskete møtet òg at samarbeidet mellom lokallag av gjetarhund og lokallag av sau og geit måtte styrkast. Her er det i dag svært ulikt over fylket, alt frå ingen kontakt til tett kontakt.
4. Da OSG formelt sett er over OGL på organisasjonskartet kunne ein tenkja seg at eit tettare samarbeid og dialog mellom OGL og OSG kunne styrka gjetarhundsaker og gjetarhundhøyringar til det beste for alle partar i Oppland. Da kunne sakene byrja i ei brei gruppe samstundes, og OGL vart tryggare på at dei saman med OSG spelte vidare med likt syn i same sak.
  5. Elles vart det nemnt hendingar som har styrka og kan styrka samarbeidet mellom gjetarhund og sau og geit: Samarbeid er ein viktig miljøfaktor, nokon å spela ball saman med, nokon å arbeida saman med, kommunikasjonen vert betre og informasjonen går ut til fleire. I dag tenkjer nokre lokallag av gjetarhund og enkeltperssonar i miljøet litt for mykje på seg sjølve, og dermed når ikkje organisasjonsarbeidet og det positive med gjetarhund ut til alle medlemmar i sau og geit. Det må sørgst for at brukshunden kjem inn på treningssamlingane, eigne treningssamlingar for nybegynnalar i starten, og at desse får som mål å klare bruksprovet. Det er likevel positive teikn i tida da så mange nye kvelpar er på gang i Oppland. I tillegg vart det bestemt at alle godkjente referat og relevante e-postar til styret i OSG frå nå av skal gå som kopi til leiar i Oppland Gjeterhundlag og omvendt.

#### **Sak 37/2016: Samanslåing av Øystre Slidre Sau og Geit og Vestre Slidre Sau og Geit**

Arnfinn var inhabil og deltok ikkje i denne saka.

Øystre Slidre Sau og Geit og Vestre Slidre Sau og Geit har hatt årsmøter der dei har diskutert samanslåing av sine respektive lokallag. Dette medførte at det vart eit felles ekstraordinært årsmøte der saka var: Samanslåing av dei to lokallaga. Vedtaket i denne saken vart samanslåing – einstemmig.

Det nye laget heiter nå Slidre Sau og Geit.

Leder: Arnfinn Beito

Nestleder: Ketil Rogn Hamre

Sekretær: Eirik Kolbjørnshus

Kasserer: Tommy Rudi

Styremedlem: Kari Hande

Styret i OSG godkjente det nye lokallaget og ønskte dei lykke til i arbeidet for småfeet si sak. OSG sender beskjed om dette til NSG.

#### **Sak 38/2016: Sekretæravtale og rolla til sekretæren i OSG**

Sekretæravtala vart underskrive med dei rettingane som vart vedteke på førre styremøte. Rolla til sekretæren i Oppland Sau og Geit vart teke opp i forhold til andre selskap, lag og organisasjonar. Dette vert teke opp på ny i eige sak på neste styremøte.

#### **Sak 39/2016: Rovviltsaker**

Av rovviltsaker vises det til både referatsaker og punkter elles i referatet. Vi tek likevel med gladmeldinga om at 1 ulv, 1 tispe på 36 kg, vart felt på Joramø 25/05 2016. Elles er det observert både bjørn, fleire ulvar og meldt om skader forårsaka av gaupe.

### **Sak 40/2016: Jordbruksoppgjøret våren 2016**

Jordbruksoppgjøret vart gjennomgått med omsyn til endringane for småfe. For sauene har det i følgje NB kome ut med ein liten nedgang i inntekta for bonden og for geita vert det omlag same inntekta som før. Styret tok også ein prat om dei nye teljedatoane, og konkluderte med at alle nå får inntekta si seinare enn før og at det spesielt for rekrutteringa vert dårlegare, da nye brukarar som overtek 1/1 ikkje får tilskot før over 1 år seinare med unnatak av lammetilskotet.

### **Sak 41/2016: Saker frå Ring 41/Avlsutvalget**

Her var det ingen saker.

### **Sak 42/2016: Geitesaker**

NSG må halde trykket oppe i forhold til forholdstalet på kvota. OSG råder geitehaldarar til å fôra opp killingane på geitemjølk.

### **Sak 43/2016: Sponsorsaka**

Viser her til møtet med Nortura under referatsaker. Styret i OSG bad sekretæren om å forme eit skriv som skal gå ut til ulike aktørar vi frå før har fått sponsormidlar frå etter dette oppsettet:

Hovudsponsor/ar: Heimsideannonse alltid øvst og størst, 2 midt-sidene i årsmeldinga, logo og annonse i infoskriv,  $\frac{1}{2}$  time taletid årsmøte, stand årsmøte kr. 50.000,-

Sponsorpakke: Heimesideannonse, heilsideannonse, taletid/stand årsmøtet, kr. 20.000,-

Sponsorpakke: Heilsideannonse, taletid årsmøte eller baksida årsmelding: kr. 10.000,-

Sponsorpakke:  $\frac{1}{2}$  side årsmelding, kr. 5.000,-

Sponsorpakke:  $\frac{1}{4}$  side årsmelding, kr. 2.500,-

### **Sak 44/2016: Saker Oppland Radiobjøllelag**

Tilskot frå FKT: kr. 240.000,-, og frå "Tilskot til tiltak i beiteområder": kr. 170.000,- er omrent det same som vi har fått dei siste åra. Dette året søkte vi om mykje meire da etterspurnaden etter utstyr var svært stor, men diverre vart det ikkje meire på oss. Vi har nå 314 brukarar av 2851 radiobjøller og 857 FMS. Erstattat/nye netto 377 radiobjøller og 98 FMS. Det er innkjøpt til sesongen 394 nye radiobjøller og 100 nye FMS, i tillegg er det kjøpt inn 13 gamle radiobjøller. Det er kjøpt inn litt mykje i forhold til budsjett, og ORL vil i 2016 gå i underskot. Vi må nå bestemma oss for ein modell for neste sesong, som vil gjera oss i stand til å dekka dette underskotet og følgja opp nye kjøp og erstatningar av utstyr for neste år og åra som kjem. Det er totalt i overkant av 40 nye brukarar av elektronisk overvakning i 2016.

### **Sak 45/2016: Eventuelt**

Ellen M. Syse vart vald til stedfortreder for sekretæren ved sjukdomsfall fra årsmøtet 2016 til årsmøtet 2017.

Kvam 08/06 2016, Pål Kjorstad, sekretær